

# Sukarelawan UPM bina parit

**Serdang:** Peserta Misi Sukarelawan Siswa Universiti Putra Malaysia (UPM) sibuk membina sistem perparitan di Wilayah Tay Ninh Vietnam, baru-baru ini. Misi yang mendapat kerjasama Education Malaysia Ho Chi Minh City; Youth Union Ho Chi Minh dan Representative Islamic Community Vietnam itu bertujuan memberi pendedahan secara komprehensif kepada pelajar UPM yang terpilih untuk meraih pengalaman menerusi aktiviti sukarelawan selain mengaplikasikan pengetahuan dan kemahiran di kampus kepada komuniti.

● V8



**USAHAWAN**  
»Bakal miliki butik oV10





Peserta membina kolam takungan air.

# Siswa UPM berbakti di Vietnam

Oleh Basir Zahrom  
basir\_zahrom@bh.com.my

► Serdang

**P**usat Kokurikulum dan Pembangunan Pelajar (PKPP), Universiti Putra Malaysia (UPM) buat julung kali berjaya menganjurkan Misi Sukarelawan Siswa UPM di Tay Ninh Province, Vietnam baru-baru ini.

Misi mendapat kerjasama Education Malaysia Ho Chi Minh City; Youth Union Ho Chi Minh dan Representative Islamic Community Vietnam itu selari hasrat universiti untuk melahirkan Ikon Sukarelawan Mahasiswa UPM di pentas global.

Timbalan Naib Canselor (Hal Ehwal Pelajar dan Alumni) UPM, Prof Datuk Dr



Pelajar yang menyertai Misi Sukarelawan Siswa UPM di Tay Ninh Province, Vietnam.



Aktiviti melukis mural turut dijalankan di sekolah terpilih.



kepada anak-anak serta generasi muda komuniti setempat untuk meneruskan pengajaran pada peringkat yang lebih tinggi," katanya.

Sepanjang di Vietnam, katanya, sukarelawan berpeluang menjalani kehidupan serta memahami cara hidup komuniti sambil menjalankan aktiviti pengajaran dan pembelajaran menggunakan teknik pembelajaran menyeronokkan dalam subjek Bahasa Inggeris, Matematik dan Bahasa Arab kepada anak-anak.

"Mereka turut membina sistem saliran perparitan, membina kolam takungan air selain melakukan aktiviti mural di sekolah terpilih.

"Program ini selaras dengan Pelan Pembangunan Pendidikan Malaysia (Pendidikan Tinggi) 2015-2025, menerusi lonjakan melahirkan graduan holistik dan seimbang melalui pembabitan pelajar dalam kurikulum, aktiviti kemasyarakatan dan kesukarelawan, kemahiran dan kepimpinan," katanya.

**MEREKA MEMBANTU MEMPROMOSI SERTA MEMBERI GALAKAN KEPADA ANAK-ANAK SERTA GENERASI MUDA KOMUNITI SETEMPAT UNTUK MENERUSKAN PENGAJIAN PADA PERINGKAT YANG LEBIH TINGGI**

**Prof Datuk Dr Mohammad Shatar Sabran,**  
Timbalan Naib Canselor (Hal Ehwal Pelajar dan Alumni) UPM



Aktiviti santai bersama-sama kanak-kanak Vietnam.